

Lihamba lya ndatu lya YOHANE Ulongoleho

Lihamba lya 3 lya Yohane likityekwa na Nndumilwa Yohane mu u ngungwa ya 90 mbole ya kubhelekwa kwa Yesu Kilisito. Yohane kangulimanyiha ng'obhe handa ndo ywakatyekite lihamba ali, peni kihyengo kyake kangulikema nng'ohi kilongohi kipalamande kya 3 Yohana 1:1. Kangulongela hilahila mu kitabho kya 2 Yohane kipalamande kya 1:1. Yinguhwachilwa kukita Yohane kakityeka mahamba mandatu gha Nhalo ghwa Maha handa 1 Yohane na 2 Yohane na 3 Yohane manjubha Yohane pakabheghite kangutama ku kitami kya ku Efeso.

Yohane kakityeka lihamba ali kwa Gayo mundu ywakabheghite kangunhyubhalila Kilisto ywakakemitwe Gayo, kangummanyiha Gayo handa ghanja ghwake na kunnaghila Gayo kabhatekulo maha bhandu bhaanhyubhalila Kilisito, bhaabheghite mu mwanja kupitila kitami kyakatamite Gayo.

Ghaabheghite.

Yohane kangulikambuha lihamba lyake kipalamande kya 1:1.

Mbole kangunnyonjokeha mwoyo Gayo pakanubhulila kabhonehe utekulo kwa bhandu bhaanhyubhalila Kilisito kipalamande kya 1:2-8.

Kangi, kanguaaghombela bhandu abhili,
bhene ndo Diotelefe na Demetilio
kipalamande kya 1:9-12.

Kuuhiko kanguyomolela lihamba lyake kipala-
mande kya 1:13-14.

¹ Lihamba ali linguhuma kwa nenga nng'ohi ki-
longohi ghwa bhandu bha anhyubhalilite Kilisito.

Kwa ghanja ghwa nenga Gayo, ghunughupalite
mu hoto.

² Ghanja ghwangu mpalo, nunguyupa kukita
ghughendelegele maha kwa ghoha mu ubhumi
ghwako, Nungukuyupila mmili ghwako ghub-
hegha maha handa paghughenelela maha mu
kubhegha papamu na Chapanga.

³ Nikiyelelwa munu pala amoo bha alongo
paahikite apa na kutulubhulila yakya bhula
ghungughendelegele kuyitikila hoto na bhula
paghughendelegele kutama mu hoto ahyo.

⁴ Kahone kilibhi kindendite nnyelelwi
munu handa kuyihwa kukita bhana bhangu
bhangu kutama mu hoto.

Yohane kanguntika Gayo

⁵ Ghanja ghwangu, ghwenga ghunguhyubha-
lika munu kubhukana na kuatendela gha maha
alongo bhako ahyubhalila, hata handa abhegha
ahenja kwa ghwenga.

⁶ Bhakinongela nhalo ghwa upalo ghwa gh-
wenga muulongolo ghwa ngwemuko lya apa lya
bhandu bha anhyubhalilite Kilisito. Peni chonde
ghubhatangatile ngati aghendelegele na mwanja
ghwabhe handa payinnoghela Chapanga.

⁷ Kiyaha anguyanda mwanja ghwabhe kwakya lihengo lya Yesu kyangali kupeghwa kyohele kuhuma kwa bhandu bhaanhyubhalilite ng'obhe Kilisito.

⁸ Hinu twenga bhatunhyubhalila Kilisto, tun-gunoghwa kuaatanga bhandu abho, ili na twenga tumokole kulilunga mu kutenda lihenga kwakya hoto.

Deotelefe na Demetilio

⁹ Nikiatyekela lihamba ali, ngwemuko lya bhandu bha anhyubhalilite Kilisito mihalo michoko, peni deotelefe, peni Deotelefe yunakilyakalyaka kya kubhegha kilongohi, kakilema kunnyihwa.

¹⁰ Hinu, panhika ndaghalongela milando yoha yakayitenda, malagho mahakata gha uhwangi ghakatughombela twenga. Hilahila mwene ghulema kuakingama alongo ahyubhalila ab-heghite mu mwanja, na kangi kanguakanikiha bhandu bhangi bhaapala kubhakingama na kuabhingabhinga panji ya ngwemuko ya bhandu bhaanhyubhalilite Kilisito.

¹¹ Ghanja ghwangu, ghukotoke kughutughila nhwano nhakata, ngati lila liibheghite lya maha. Ywohele ywaatenda lya maha ndo ghwa Chapanga, na ywakatenda mahakata kakimmona ng'obhe Chapanga.

¹² Bhandu bhoha bhanguntika Demetilio kwa ghala ghakaghatenda, na kangi hoto yene yin-guntika. Na twenga tunguyobhela gha maha kunninga mwene, na ghwenga ghungumanya kukita kila kiitulongela ndo hoto.

Majambuho gha kuyomolela

¹³ Ngali megha na matangalo gha kuaghombela peni mbala ng'obhe kughatyeka kwa kutumila lihamba.

¹⁴ Mbole yaki, ninguhubhalila ndakubhona mbole ya manjubha machoko na twaalongela kibhungi kwa kibhungi.

¹⁵ Ningukuyupila uhihimilo.

Aghanja bhako bha apa bhangukujambuha. Na ghwenga ghubhajambuhe aghanja bhetu bha akwo kila yumo kwa lihina lyaki.

Ndwewe Bible Version

The New Testament in the Ndwewe language of Tanzania: Ndwewe Bible version

copyright © 2025 The Word for the World International

Language: English

Contributor: The Word for the World Southern Africa

The New Testament in the Ndwewe Language.

<https://www.twftw.org/>

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-08

PDF generated using Haiola and XeLaTeX on 8 Jul 2025 from source files dated 8 Jul 2025

6714417a-c093-5d0c-b3e0-f476486e8051